

Ageu ayvu oĩa Ageu ayvu oĩa

Israel kuery Babilônia py escravo-rã heraapaague gui Jerusalém tetã py ju ojevy teĩ nomoatyrõi ranhe Nhanderuete pegua templo. Ha'e ramo “Po rami ijayvu Senhor ixondaro reta va'e: Kova'e kuery aipoe'i: ‘Novaẽi teri Senhor pegua oo jajapo ju aguã’, he'i okuapy. Ha'e nunga rupi profeta Ageu pe Senhor oayvu ombou vy aipoe'i: ‘Ha'evea rami teve xevygua oo ivaipa oiny teri reve peẽ kuery ro yvyrapo py penhovã porãmba va'ekue py peĩ aguã? Ne'exa ha'vy. Po rami ijayvu Senhor ixondaro reta va'e: Peikuaa pota nho ke pendere mba'emo oiko va'e-va'e re. Mba'eta mba'emo penhotõ vaipa va'eri mbovy'i rive pemono'õ. Pekaru va'eri napenhandu kuaai. Pey'u va'eri pendu teri y'uvei. Penhemonde va'eri peteĩve henda py napenderete rakui. Peráta'i pejou va'eri pendevoko opukue py merami pembolsru”, he'i (1.2-6). Mba'eta Nhanderuete oipota raka'e ha'e kuery omoatyrõ ixupeguia templo, peteĩ-teĩ ngoo anho e'ŷ.

Nhanderuete re nhanema'endu'a e'ŷ re nhan-dejeupe guarã re anho nhanhea'ã aguã nda'evei, Nhanderuete nanhanemoingo porãi 'rã guive. “Ha'e rami 'rãgue py jypy'i peka 'rã ipo'akaa ha'e ixuguigua teko porã. Ha'e ramo 'rãe peikotevẽ va'e ha'e javi ome'ẽ avi pãvy” (Mateus 6.33).

Guetarã kuery pe Ageu ijayvuague templo ojapo

ju aguā re

¹ Mokoī ma'etŷ re ma huvixa Dario oĩ jave, mboapy meme jaxyia, ijypy'ia ára py ma SENHOR ombou oayvu. Profeta Ageu rupi ombou Salatiel ra'y Judá pygua huvixa Zorobabel pe, Jozadaque ra'y sacerdote yvateve va'e Josué pe guive. Ha'e vy aipoe'i:

² — Po rami ijayvu SENHOR ixondaro reta va'e: Kova'e kuery aipoe'i: “Novaēi teri SENHOR pegua oo jajapo ju aguā”, he'i okuapy.*

³ Ha'e nunga rupi profeta Ageu pe SENHOR oayvu ombou vy aipoe'i:

⁴ — Ha'evea rami teve xevyguia oo ivaipa oiny teri reve peẽ kuery ro yvyrapo py penhovā porāmba va'ekue py peĩ aguā?

⁵ Ne'exa ha'vy. Po rami ijayvu SENHOR ixondaro reta va'e: Peikuaa pota nho ke pendere mba'emo oiko va'e-va'e re.

⁶ Mba'eta mba'emo penhotŷ vaipa va'eri mbovy'i rive pemono'õ. Pekaru va'eri napenhandu kuaai. Pey'u va'eri pendu teri yuvei. Penhemonde va'eri peteïve henda py napenderete rakui. Perata'i pejou va'eri pendevoko opukue py merami pemboyru.

⁷ Po rami ijayvu SENHOR ixondaro reta va'e:
— Peikuaa pota ke pendere mba'emo oiko va'e-va'e re.

* ^{1:2} Ha'e va'e e'ŷ mbove ma Nhanderuete pegua oo ha'e kuery ojapo aguā omboypy teĩ hovaigua kuery omombytu'u ojapopa ete aguā gui (Esdras 3.8–4.5, 24). Ha'e gui apy ma Ageu rupi Nhanderuete ijayvu ojapopa ete aguā re.

8 Aŷ ma tapeo, yvyty gui peru yvyra xevyguia oorã pejapo aguã. Ha'e va'e ma arovya'rã, xemboyvatea'rã guive — he'i.

9 SENHOR ixondaro reta va'e aipoe'ive ju:

— Mba'emo pemono'õ va'erã pearõ reta teĩ mbovy'i ete oiko. Ha'e gui mbovy'i va'ekue pendero py peraa ramo ma xee aipeju vy rive amoaimba imondovy. Mba'e re tu oiko ha'e rami? Mba'eta xevyguia oo ivaipa teri oiny, ha'e rã peẽ kuery peteĩ-teĩ pendero re anho nda'eveive peovy.

10 Ha'e nunga rupi ae yva gui nda'okyvei pende'áry, ha'e yvy gui voi mba'eve ndoikoi.

11 Pendeyvy ha'e yvyty ikuai va'e rupi amombirupa. Mba'emo aju ikuai va'e re, vinho, azeite, ha'e yvy gui mba'emo oiko 'rã va'ekue ha'e javi re ambou ipirupa aguã, avakue re guive, mymba kuery ha'e pendepo py pejapo va'e ha'e javi re guive.

Heta va'e kuery SENHOR onhe'ẽ rendu okuapyague

12 Ha'e ramo Salatiel ra'y Zorobabel ha'e Jozadaque ra'y sacerdote yvateve va'e Josué onhe'ẽ rendu okuapy SENHOR Nguuete heta va'e kuery ha'e javi reve, profeta Ageu pe SENHOR oayvu omombe'u uka va'ekue ojapopa vy. Ha'e rami vy ha'e kuery ojererokyjea rupi ikuai SENHOR renonde.

13 Ha'e gui SENHOR remimbou Ageu ijayvu heta va'e kuery pe. SENHOR ijayvuague omombe'u vy aipoe'i:

— SENHOR aipoe'i: “Xee aiko peẽ kuery reve”, he'i.

¹⁴ Ha'e rami vy SENHOR omokyre'ŷ Salatiel ra'y Judá pygua huvixa Zorobabel ha'e Jozadaque ra'y sacerdote yvateve va'e Josué, heta va'e kuery ha'e javi guive. Ha'e ramo ha'e kuery oupa vy onhemoi ju okuapy oo ojapoa rupi Nguuete SENHOR ixondaro reta va'e peguarã.

¹⁵ Mboapy meme jaxyha'e vinte e quattro araa py ma ha'e rami ikuai.

2

Mokoña templo omoexakā aguã re Nhanderuete ijayvuague

¹ Ha'e gui mokoñi ma'etŷ re ma huvixa Dario oñi jave py, sete jaxyha'e vinte e um araa py profeta Ageu pe SENHOR ombou ju oayvu. Ha'e vy aipoe'i:

² — Ndeayvu ke aŷ Salatiel ra'y Judá pygua huvixa Zorobabel pe, Jozadaque ra'y sacerdote yvateve va'e Josué pe, ha'e heta va'e kuery ha'e javi pe guive. Ha'e vy aipo're:

³ “Mava'e peẽ kuery aŷ peve pekuave va'e regua pa pexa raka'e kova'e oo jypy guare iporãmba teri jave? Ha'e gui aŷ ma mba'exa tu pexa? Mba'evera ndovarevei va'e rami e'ŷ teve opyta aŷ?”

⁴ Ha'e rami tei po rami aŷ SENHOR ijayvu: “Zorobabel, ndepy'a guaxu ke. Jozadaque ra'y sacerdote yvateve va'e Josué, ndee voi ke ndepy'a guaxu. Ha'e heta va'e kuery pendeyvy re pendekuai va'e voi ke pendepy'a guaxu pemba'eapo aguã, mba'eta peẽ kuery reve xee aiko”, he'i SENHOR ixondaro reta va'e.

⁵ “Egitoyy gui pejupa jave xereve guarã ajapo va'ekue rami vy Xenhe'ë oiko 'rã penembyte rupi. Pekyje eme ha'vy.”

6 Mba'eta po rami ijayvu SENHOR ixondaro reta va'e: “Teǐgue ju amboryryipa 'rã yva ha'e yvy, ye'ẽ ha'e yvy yy e'ŷa guive.*

7 Amboryryi 'rã yvy regua ha'e javi. Ha'e ramo yvy regua ha'e javi oguerupa 'rã mba'emo ojou porãve va'e. Ha'e rã kova'e oo xee amonyẽmba 'rã hexakã va'e”, he'i SENHOR ixondaro reta va'e.

8 “Prata ha'e ouro oĩ va'e ma xemba'e meme”, he'i SENHOR ixondaro reta va'e.

9 “Kova'e oo ma jypy guare gui hexakãmbave 'rã. Ha'e rami vy kova'e henda re ambou 'rã pendekuai porã aguã”, he'i SENHOR ixondaro reta va'e.

Heta va'e kuery ndojeroviai ramo ijayvu eteague

10 Ha'e gui mokoĩ ma'etõ re ma huvixa Dario oĩ jave py, nove jaxyha'e vinte e quattro araa py SENHOR peteǐgue ju oayvu ombou profeta Ageu pe. Ha'e vy aipoe'i:

11 — Po rami ijayvu SENHOR ixondaro reta va'e: Eporandu ke sacerdote kuery ikuai va'e pe lei re oĩ va'e re. Ha'e vy aipo're:

12 “Xapy'a rei amongue xo'o iky'a e'ŷ va'erã omboaxa pyre onhovãa 'rã heravy oao py. Ha'e gui xapy'a rei xo'o ombovya rive 'rã mbojape, tembi'u ombojy pyre, vinho ryru, azeite ryru, ha'e'ŷ vy tembi'u oĩ va'e re rei. Ha'e rami rã ha'e va'e tembi'u voi nda'u opyta 'rã iky'a e'ŷ va'e?” 're.

Ha'e rami sacerdote kuery pe aporandu rã ombovai:

— Any — he'i okuapy.

13 Ha'e ramo Ageu oporanduve ju:

* **2:6** Hebreus 12.26-27

— Ha'e gui xapy'a rei amongue mba'emo re'õgue re opoko vy ha'eve'ŷ va'e optyta rire ma kova'e nunga iky'a e'ŷ va'e re ju ojopy 'rã. Ha'e rami rã kova'e nunga ju nda'u optyta 'rã ha'eve'ŷ va'e?

Sacerdote kuery ombovai:

— Tá, optyta 'rã ri ha'eve'ŷ va'e — he'i.

¹⁴ Ha'e ramo Ageu aipoe'ive ju:

— SENHOR aipoe'i: “Ha'e rami ae avi kova'e kuery ikuai, mba'eta kova'e regua ma ha'eve'ŷ va'e meme ikuai xerenonde. Ha'e rami ae ju optyta opo py mba'emo ojapo va'e, xevy pe ome'ẽ va'e voi. Iky'a va'e meme optyta.*

¹⁵ Aŷ ma peikuaa porã pota ha'e va'e ára jave guive pendere oiko va'ekue ha'e javi re. Mba'eta templo SENHOR peguarã pejapo aguã ita pembojoja ypy e'ŷ mbove,

¹⁶ ha'e va'e jave e'ŷ mbove ma vinte ryru mba'emo pemoĩ porãague py peo vy dez ete'i 'rã pejou va'ekue. Vinho voi cinqüenta ryru pemboyrugue py peo peraa aguã vy ma vinte ete'i 'rã pejou va'ekue.

¹⁷ Ha'e rami avi peẽ kuery re xee ambou yvytu raku, mba'emo ru'ũ ha'e amandau, pendepo py pejapo va'e ha'e javi áry. Ha'e ramive ma peẽ kuery neĩ peteĩve ndapejeko rerovai xevy guarã”, he'i SENHOR.

¹⁸ “Xee xeayvu ju: Aŷ guive peikuaa porã pota, nove jaxyha'e vinte e quatro ára guive, SENHOR pegua templo pejapo aguã pemboypyá ára guive,

* ^{2:14} Ha'e kuery reko rami vy mba'emo iky'a va'e amboae regua re omboovy rive teĩ ha'e va'e voi optyta 'rã iky'a va'e. Ha'e kuery voi Nhanderuete nonhe'ẽ renduia rupi ikuai vy ixupe iky'a va'e optyta.

peikuaa pota ha'e nunga ha'e javi pendere oiko va'ekue re.

19 Mba'eta jipovei ma mba'emo ra'yīgue pemoī porāague py. Uva'y ndai'avei avi, figo voi, romā, neī oliva voi. Ha'e rami teī kova'e ára guive xee romoingo porā 'rā", he'i.

Zorobabel pe SENHOR ojapo porā aguā re ijayvuague

20 Ha'e gui nove jaxyia ha'e vinte e quattro araa pyve SENHOR teīgue ju ombou oayvu Ageu pe. Ha'e vy aipoe'i:

21— Aipo're ke Judá pygua huvixa Zorobabel pe: “Amboryryipa 'rā yva ha'e yvy.

22 Aity 'rā huvixa ikuai va'e po'akaague, ambovaipa 'rā yvy regua kuery imbaraeteague. Ambovaipa 'rā karóxa, ogueroguata va'e kuery guive. Ha'e ramo kavaju ha'e hi'árygua kuery ho'apa 'rā kyxe py peteī-teī jokutu vy.”

23— SENHOR aipoe'ive ju: “Ha'e gui ndee Salatiel ra'y Zorobabel xerembiguai reiko va'e, ha'e va'e ára py rogueru vy roguereco 'rā xekuā regua xerery oīa va'e rami, xee ae roiporavo rire”, he'i SENHOR ixondaro reta va'e.

Nhanderuete ayvu iky'a e'ŷ va'e New Testament in Guaraní, Mbyá

copyright © 2004 Wycliffe Bible Translators, Inc.

Language: Mbyá Guaraní (Guaraní, Mbyá)

Translation by: Wycliffe Bible Translators, Inc.

Copyright Information

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 853110565X

The New Testament

in Guaraní, Mbyá

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
3309fa3b-7590-5ae9-b829-5df4ddfbf957